

# VLERËSIMI I KOMUNITETIT PËR QEVERISJEN

RAPORT BASHKIA FIER



# **RAPORT**

## **VLERËSIMI I KOMUNITETIT PËR QEVERISJEN 2016**

### **BASHKIA FIER**

## SHËNIM I RËNDËSISHËM

Ky raport u përgatit me:

Mbështetjen financiare dhe teknike të Agjencisë për Zhvillim Ndërkombëtar të Shteteve të Bashkuara të Amerikës (USAID). Pikëpamjet e shprehura në këtë botim nuk pasqyrojnë domosdoshmërisht pikëpamjet e Agjencisë së Shteteve të Bashkuara për Zhvillimin Ndërkombëtar ose të Qeverisë së Shteteve të Bashkuara.

Dhe me

Mbështetjen financiare dhe teknike të Njesisë së Kombeve të Bashkuara për Barazinë Gjinore dhe Fuqizimin e Grave (UN Women), në kuadër të programit “Lidershipi dhe Pjesëmarrja Politike”. Ky program është financuar nga Qeveria Suedeze nëpërmjet Fondit të Koherencës së Kombeve të Bashkuara dhe është pjesë e “Programit të Bashkëpunimit ndërmjet Qeverisë së Shqipërisë dhe Kombeve të Bashkuara 2012-2016”. Mendimet dhe pikëpamjet e shprehura në këtë raport janë të autorëve dhe nuk përfaqësojnë domosdoshmërisht mendimet e UN Women, të Agjencive të Kombeve të Bashkuara apo të Qeverisë Suedeze.

## AUTORËT

Raporti u përgatit dhe u hartua nga ekspertët e Qendrës Aleanca Gjinore për Zhvillim (QAGJZH) me mbështetjen dhe asistencën e:

**Laureta MEMO**, Eksperte për Angazhimin Qytetar dhe Komunikimin, USAID/Projekti i Planifikimit dhe Qeverisjes Vendore

**Fiorela SHALSI**, Menaxhere e Programit Kombëtar “Lidershipi dhe Pjesëmarrja në Politikë”, UN Women

Të drejtat e publikimit

© Aplikimet për lejen për të riprodhuar ose përkthyer të gjithë ose një pjesë të këtij studimi duhet bërë në zyrën e GADC-së me adresë:

Rr. Abdyl Frashëri”, P.10/1, shk.1, ap.3

E-Mail: [gadc@gadc.org.al](mailto:gadc@gadc.org.al)

[www.gadc.org.al](http://www.gadc.org.al)

# TABELA E PËRMBAJTJES

|   |           |
|---|-----------|
| <b>MIRËNJOHJE</b> .....   | <b>5</b>  |
| <b>SHKURTIME</b> .....  | <b>6</b>  |
| <b>1. HYRJE</b> .....   | <b>7</b>  |
| <b>2. PËRMBLEDHJE EKZEKUTIVE</b> .....  | <b>8</b>  |
| <b>3. PROFILI I BASHKISË FIER</b> .....   | <b>9</b>  |
| <b>4. METODOLOGJIA</b> .....  | <b>10</b> |
| <b>5. PËRSHKRIM I PROJEKTIT</b> .....   | <b>12</b> |
| <b>6. PËRMBLEDHJE E REZULTATEVE</b> .....                                       | <b>14</b> |
| <b>7. GJETJET KRYESORE</b> .....  | <b>16</b> |
| 7.1    GJETJET NË QYTET .....   | 16        |
| 7.2    GJETJET NË NJËSITË ADMINISTRATIVE: .....                                 | 16        |
| <b>8. KONKLUSIONE DHE REKOMANDIME</b> .....                                     | <b>18</b> |
| 8.1    KONKLUSIONE DHE REKOMANDIME PËR QYTETIN .....                            | 18        |
| 8.1.1    SHËRBIMET PUBLIKE – CILËSIA DHE EFIÇENCA .....                         | 18        |
| 8.1.2    DEMOKRACIA VENDORE DHE MIRËQEVERISJA .....                             | 19        |
| 8.1.3    ZHVILLIMI EKONOMIK VENDOR .....  | 19        |
| 8.1.4    RESPEKTIMI DHE ZHVILLIMI I TË DREJTAVE TË NJERIUT NË NIVEL LOKAL ..... | 20        |
| 8.2    KONKLUSIONE DHE REKOMANDIME PËR NJËSITË ADMINISTRATIVE .....             | 21        |
| 8.2.1    SHËRBIMET PUBLIKE – CILËSIA DHE EFIÇENCA .....                         | 21        |
| 8.2.2    DEMOKRACIA VENDORE DHE MIRËQEVERISJA .....                             | 21        |
| 8.2.3    ZHVILLIMI EKONOMIK VENDOR .....  | 22        |
| 8.2.4    RESPEKTIMI DHE ZHVILLIMI I TË DREJTAVE TË NJERIUT NË NIVEL LOKAL ..... | 22        |
| <b>RRETH QENDRËS ALEANCA GJINORE PËR ZHVILLIM</b> .....                         | <b>23</b> |

# MIRËNJOHJE

Me mirënjohje falënderojmë të gjithë ata që ndihmuan në realizimin e këtij raporti për të vlerësuar qeverisjen vendore dhe gjithë qytetarët e Bashkisë Fier, të cilët morën pjesë aktive në aktivitetet e realizuara përmes projektit dhe përmes argumenteve vlerësuan mirëqeverisjen lokale për bashkinë e tyre.

Një falënderim i veçantë i dedikohet z. Armando Subashi dhe stafit të tij të cilët morën angazhime konkrete përballë qytetarëve bazuar në sugjerimet e tyre për përmirësimin e punës në Bashkinë Fier. Gjithashtu, falënderimi i shkon edhe Komisionit Këshillimor Qytetar Vendor Fier për angazhimin vullnetar në këtë proces dhe jo vetëm.

Një falënderim shkon edhe për mbështetësit dhe financuesit e këtij projekti, Programit të Kombeve të Bashkuara për Gratë në Shqipëri, UN Women dhe Projektit të USAID për Planifikimin dhe Qeverisjen Vendore (PLGP) për mbështetjen financiare dhe teknike gjatë zbatimit të projektit.

# SHKURTIME

|          |  |
|----------|--|
| NJQV     | Njësi të Qeverisjes Vendore                                |
| KKQV     | Komisioni Këshillimor Qytetar Vendor                       |
| QAGJZH   | Qendra “Aleanca Gjimore për Zhvillim”                      |
| RAT      | Reforma Administrative-Territoriale                        |
| VKQ      | Vlerësimi i Komunitetit për Qeverisjen                     |
| UN Women | Programi i Kombeve të Bashkuara për Gratë                  |
| USAID    | Agjencia e Shteteve të Bashkuara për Zhvillim Ndërkombëtar |

# 1. HYRJE

Ndërkohë që po bëhet progres për avancimin e procesit të decentralizimit në Shqipëri, sfidat për zbatimin me sukses të qeverisjes vendore të decentralizuar e demokratike janë të mëdha. Reforma Administrative-Territoriale (RAT) që filloi të zbatohet në qershor të vitit 2015, pati ndikim të konsiderueshëm në funksionimin dhe administrimin e njësive të qeverisjes vendore (NJQV). Zvogëlimi i numrit të NJQV-ve nga 373 në 61, çoi rrjedhimisht në rritjen ndjeshëm të territorit, popullsisë dhe kompleksitetit të funksionimit të tyre. Ndikimi i reformës është i madh, jo vetëm në aspektin e përgjegjësive dhe funksioneve të shtuara të njësive vendore, por edhe në ofrimin e shërbimeve me cilësi dhe efikasitet për qytetarët e bashkisë së zgjeruar tashmë. Paralelisht me këtë, bashkitë tani përballen me sfida edhe më të mëdha se më parë për të arritur informimin, përfshirjen dhe përfaqësimin e vërtetë të grave dhe burrave në vendimmarrje.

Në këtë kuadër, që prej vitit 2015, Projekti i USAID për Planifikimin dhe Qeverisjen Vendore (PLGP) dhe UN Women, në bashkëpunim me organizata të shoqërisë civile dhe Komisionet Këshillimore Qytetare Vendore (KKQV) kanë ndërmarrë projektin e Vlerësimit të Komunitetit për Qeverisjen (VKQ) në 10 nga bashkitë më të mëdha në vend. Në pritje të reformës dhe zgjedhjeve vendore të vitit 2015, VKQ u zbatua në bashkitë e Elbasanit, Beratit, Kamzës dhe Vlorës, ku gjetjet dhe rekomandimet e qytetarëve gra dhe burra u prezantuan dhe u përfshinë në axhendat dhe programet e kandidatëve për kryetarë bashkie. Këtë vit, VKQ u zbatua në gjashtë bashki të reja: Fier, Gjirokastrë, Kuçovë, Korçë, Lushnjë dhe Shkodër. Vlerësimi i Komunitetit për Qeverisjen përfshin aspekte kryesore të qeverisjes vendore, të tilla si: (I) cilësia dhe efikasiteti i shërbimeve publike; (II) qeverisja e mirë dhe demokracia lokale; (III) zhvillimi ekonomik dhe (IV) të drejtat e njeriut në nivel vendor.

Përmes vjeljes së opinioneve të qytetarëve në identifikimin dhe përcaktimin e prioriteteve lokale, VKQ synon të krijojë dhe promovojë mekanizma qytetare në funksion të përmirësimit të demokracisë lokale. Procesi i VKQ mundëson monitorimin dhe vlerësimin e performancës së administratës lokale, paralelisht me ndërtimin e urave të dialogut, ndërveprimit dhe bashkëpunimit në nivel vendor.

Vlerësimi i komunitetit për qeverisjen është një qasje dhe mundësi e mirë që bashkitë të kuptojnë nevojat dhe përparësitë e qytetarëve. Harmonizimi dhe përfshirja e rezultateve të vlerësimit të komunitetit në programet vendore, si dhe përpjekja për të influencuar në hartimin e politikave vendore, janë një tregues pozitiv i demokracisë në veprim. Kombinimi i metodologjive se VKQ me aktorë kyç lokalë, të tillë si Komisionet Këshillimore Qytetare dhe organizata të shoqërisë civile kanë mundësuar zbatimin me sukses të këtij procesi.

## 2. PËRMBLEDHJE EKZEKUTIVE

Informacioni i përfshirë në këtë raport prezanton ecurinë e procesit të Vlerësimit të Komunitetit për Qeverisjen në Bashkinë Fier në periudhën qershor-nëntor 2016 dhe përfshin vlerësimin nga ana e komunitetit dhe administratës vendore të performancës së shërbimeve të ofruara në nivel vendor, si dhe gjetjet dhe rekomandimet e ardhura nga qytetarët. Procesi i VKQ-së i ofron Bashkisë Fier një tablo të qartë të vlerësimit të qytetarëve në lidhje me shërbimet publike, zhvillimin ekonomik, funksionimin e demokracisë vendore dhe të drejtat e njeriut në nivel lokal.

Procesi i Vlerësimit të Komunitetit për Qeverisjen u realizua nga Qendra Aleanca Gjinore për Zhvillim (QAGJZH) në bashkëpunim me Bashkinë Fier, njësitë administrative Levan, Cakran dhe Libofsh, me pjesëmarrjen e Komisionit Këshillimor Qytetar Vendor Fier dhe komunitetit në njësitë administrative të sipërpërmendura.

Projekti Vlerësimi i Komunitetit për Qeverisjen u shtri në harkun kohor qershor-nëntor 2016 dhe përfshiu 10 bashki, ndër të cilat edhe Bashkinë Fier. Qëllimi i këtij projekti është përmirësimi i demokracisë vendore përmes fuqizimit të mekanizmave qytetarë. Objektiva specifike të tij synojnë të nxisin ndërveprimin dhe dialogun mes qytetarëve dhe autoriteteve vendore, përmes përfshirjes së prioritetëve dhe nevojave të qytetarëve në programet dhe buxhetet vendore, duke krijuar kushte për përmirësime të qëndrueshme të shërbimeve që i ofrohen komunitetit dhe duke fuqizuar në këtë mënyrë bashkëpunimin midis të dyja palëve.

Për realizimin e VKQ u punua ngushtësisht me administratën e bashkisë për të siguruar gatishmërinë dhe bashkëpunimin e tyre në proces, gjë që kërkoi takime dhe diskutime paraprake në lidhje me metodologjinë, fushat që trajtonte VKQ, zonat e përzgjedhura për zbatim dhe pjesëmarrjen qytetare në të. Në bashkërendim me Bashkinë, zonat e zgjedhura për të realizuar VKQ ishin njësitë administrative Levan, Cakran dhe Libofsh. Vlen për t'u theksuar kontributi i çmuar i Komisionit Këshillimor Qytetar.

Gjatë procesit të përpunimit të vlerësimeve janë konsultuar gjerësisht materiale, dokumenta dhe strategji, të tilla si: Draft Strategjia e Zhvillimit të Territorit, buxheti i Bashkisë për vitin 2016, Plani i Punës së Strategjisë Ndërsektoriale për Decentralizimin dhe Qeverisjen Vendore 2015-2020, Ligji 119/2014 Për të drejtën e Informimit, Ligji 135/2015 për Organizimin dhe Funksionimin e Vetëqeverisjes Vendore, faqja e internetit e Bashkisë, etj.

Në këtë raport do të lexoni: 1) Një profil të shkurtër të Bashkisë Fier; 2) Metodologjinë e projektit; 3) Përshkrimin e projektit; 4) Përmbledhjen e rezultateve të vlerësimit të qytetarëve korçarë për qeverisjen vendore; 5) Gjetje e rekomandime për të ardhmen.



# 3. PROFILI I BASHKISË FIER

*Informacioni i përdorur për përgatitjen e këtij profili është nxjerrë nga Strategjia e Zhvillimit të Territorit të Bashkisë Fier.*

Fieri shtrihet në pjesën qendrore - perëndimore të Shqipërisë, në jug të fushës së Myzeqesë dhe ndodhet 18 km larg bregut të detit Adriatik. Bashkia e Fierit shtihet në një pozitë gjeografike dhe strategjike të favorshme duke parë që në këtë bashki kalojnë dy nga korridoret më të rëndësishme të vendit të cilët janë korridori VIII dhe korridori i kaltër (autostrada Adriatiko-Joniane). Bashkia e Fierit karakterizohet nga një terren fushor me lartësi mesatare prej 20 metrash mbi nivelin e detit dhe kufizohet me bashkitë: Divjakë, Lushnje, Roskovec, Patos, Mallakastër, Selenicë dhe Vlorë.

Bashkia e Fierit gëzon një pozicion strategjik në territorin shqiptar i mundësuar nga disa avantazhe ndërsektoriale. Ajo përbën 5.7 % të tokës bujqësore shqiptare; kufizohet nga dy lumenj kryesor, Semani në veri dhe Vjosa në jug, të cilët kanë sipërfaqe të mbrojtura natyrore pranë grykëderdhjeve të tyre; zotëron parkun arkeologjik kombëtar të Apolonisë; si dhe trashëgon zona industriale dhe naftëmbajtëse si dhe gëzon pozicionim strategjik avantazhues përsa i përket gazifikimit të mundshëm, me vënien në zbatim të gazsjellësit TAP që kalon brenda territorit të saj.

Reforma Administrative Territoriale e ndodhur vitin 2014, ndikoi në Bashkinë e Fierit duke i ndryshuar shtrirjen dhe kufijtë territorialë, duke i shtuar në përbërje të saj edhe njësi të reja administrative. Sipërfaqja e Bashkisë Fier është 619.90 km<sup>2</sup> dhe ajo përbëhet nga 10 njësi administrative të cilat janë: Fier, Mbrostar, Topojë, Dërmenas, Levan, Frakull, Cakran, Libofshë, Portëz dhe Qendër. Bashkia e re ka nën administrimin e saj një qytet dhe 85 fshatra.

## **Profili Demografik**

Popullsia : 120655 banore (Burimi: INSTAT)

Popullsia : 196324 banore (Burimi: Gjendja Civile)

Në bazë të Censurit, dendësia e popullsisë sipas ndarjes se re territoriale është 111,4 ndërsa në bazë të regjistrit civil, densiteti është 316.70 banorë/km<sup>2</sup>.

Raporti gjinor në Bashkinë e Fierit, sipas Census të 2011, është 101.2, duke u paraqitur pak më lartë se mesataraja 100.4 në gjithë Shqipërinë.

# 4. METODOLOGJIA

Procesi i Vlerësimit të Komunitetit për Qeverisjen<sup>1</sup> është mjet monitorimi që përdor komunitetin si njësi analize për të nxitur llogaridhënien dhe përgjegjshmërinë sociale dhe publike të institucioneve vendimmarrëse vendore. Vlerësimi i Komunitetit për Qeverisjen njihet ndryshe edhe si “zëri i komunitetit”, pasi i mundëson qytetarëve të shprehin vlerësimin e tyre mbi cilësinë, përshtatshmërinë dhe efikasitetin e shërbimeve publike dhe të propozojë ndryshime në lidhje me shërbimet e ofruara, madje edhe mbi vendimmarrjet vendore. Mekanizmi i VKQ-së zbatohet në një nivel teje të rëndësishëm të qeverisjes, në atë vendor, ku qytetarët janë në kontakt më të drejtpërdrejtë me autoritetet vendimmarrëse dhe mbi të gjitha, me shërbimet e ofruara prej tyre.

Procesi mundëson krijimin e dialogut mes komunitetit dhe autoriteteve vendore, duke përballur mundësitë (burimet që kanë në dispozicion autoritetet vendore) me nevojat reale të komunitetit. Zbatimi i këtij mekanizmi në nivelin vendor ndikon në: zhvillimin e demokracisë me pjesëmarrje dhe arritjen e mirëqeverisjes vendore. Duhet të theksojmë gjithashtu se VKQ-ja nuk është thjesht një proces vlerësimi, pasi shkon përtej tij. Ajo ndërton ndërveprimin mes komunitetit, autoriteteve vendore, organizatave të shoqërisë civile etj, duke krijuar kushte për përmirësime të qëndrueshme të shërbimeve që i ofrohen komunitetit, duke e fuqizuar atë.

**Gjatë procesit të VKQ-së parimet kryesore të vlerësimit të shërbimit (pavarësisht nga çështja objekt i VKQ-së) do janë:**

- **Përshtatshmëria:** programi apo shërbimi a i reflekton nevojat e grupit të targetuar? A i respekton standardet dhe kriteret që përcakton ligji?
- **Efiçenca:** A po përdoren burimet (financiare, njerëzore, lokale) në mënyrë efektive dhe në kohën e duhur? A përfshihet komuniteti në planifikimin e këtyre burimeve?
- **Pjesëmarrja:** Sa dhe si nxitet pjesëmarrja e komunitetit në planifikimin dhe zbatimin e programit/shërbimeve? Cilat janë metodat që përdorin autoritetet për të nxitur pjesëmarrjen?
- **Qëndrueshmëria:** jetëgjatësia e programeve, shërbimeve. A janë fondet vjetore në rritje apo ato nuk ekzistojnë?
- **Rezultati:** Çfarë ndryshimesh ka sjellë zbatimi i programit/shërbimit? Çfarë rrugësh përdorin autoritetet për të matur ndikimin?

Përfituesit e Vlerësimit të Komunitetit për Qeverisjen janë komuniteti dhe autoritet vendore. **Procesi i VKQ-së i mundëson komunitetit** të informohet mbi shërbimet që ofrohen nga autoritetet vendore; të shprehë opinionin e tij mbi cilësinë dhe efikasitetin e tyre; të monitorojë përmbushjen e detyrimeve/angazhimeve e tyre në ofrimin e shërbimeve cilësore; të shprehë drejtpërdrejtë tek autoritetet përkatëse opinionin e tij dhe t’u kërkojë atyre përmirësimet e nevojshme, si dhe të ndërveprojë me autoritetet përkatëse me qëllim përfundimin e shërbimeve cilësore e të qëndrueshme. **VKQ i jep mundësinë autoriteteve vendore** të njohin më mirë nevojat dhe prioritetet e komunitetit në përgjithësi, si dhe të grupeve të veçanta të tij; të

---

<sup>1</sup> Marrë nga Manuali për Shoqërinë Civile “Vlerësimi i Komunitetit për Qeverisjen”- Mbështetur nga Njësia e Kombeve të Bashkuara për Barazinë Gjinore dhe Fuqizimin e Grave (UN Women), Shtëpia Botuese IDEART, 2012 Tiranë

orientojnë më mirë burimet që kanë në dispozicion në përputhje me këto nevoja dhe prioritete të komunitetit, të rrisin kapacitetet e tyre, transparencën në qeverisje dhe të përmirësojnë cilësinë dhe përshtatshmërinë e shërbimeve që i ofrojnë komunitetit.

Proçesi i Vlerësimit të Komunitetit për Qeverisjen realizohet përmes disa etapave, të tilla si: (1) Vlerësimi për ndjekjen e të dhënave (gjetja dhe konsultimi i dokumenteve, materialeve dhe strategjive që lidhen me Bashkinë); (II) Vlerësimi komunitar për performancën (fokus grupe me qytetare të Bashkisë në zonën urbane dhe rurale); (III) Vlerësimi ose vetë-vlerësimi nga ofruesit e shërbimeve (intervista gjysme të strukturuar me autoritetet lokale); (IV) Takimi i drejtpërdrejt midis përfituesve dhe ofruesve (prezantim publik i gjetjeve dhe rekomandimeve nga ky proces dhe (V) Përgatitja e raportit me qëllim institucionalizimin e procesin, advokimin dhe monitorimin.

# 5. PËRSHKRIM I PROJEKTIT

Vlerësimi i Komunitetit për Qeverisjen kaloi në disa faza, të cilat janë të detajuara si më poshtë:

**Skedat e vlerësimit:** Faza përgatitore e projektit ishte shumë e rëndësishme për përcaktimin e aspekteve/fushave që do të mbulonte dhe treguesve që do të përmbante VKQ. Katër fushat e përzgjedhura ishin: (I) cilësia dhe efënca e shërbimeve publike, (II) qeverisja e mirë dhe demokracia lokale, (III) zhvillimi ekonomik dhe (IV) të drejtat e njeriut në nivel vendor. Bazuar në to u përcaktuan edhe 20 treguesit e performancës. U përgatitën tre lloje skedash specifike për qytetin, njësinë administrative dhe një përmbledhëse me vlerësimin e qytetareve dhe ofruesve të shërbimeve. Treguesit që u përdorën për Vlerësimin e Komunitetit për Qeverisjen janë:

## SHËRBIMET PUBLIKE

Rrugët  
Ndriçimi  
Pastrimi  
Gjelbërimi  
Uji i pishëm & kanalizimet

## DEMOKRACIA VENDORE/ MIRËQEVERISJA

Informimi dhe komunikimi  
Transparenca  
Pjesëmarrja në vendimmarrje

## ZHVILLIMI EKONOMIK VENDOR

Planifikimi strategjik  
Planifikimi i buxhetit  
Nxitja e bizneseve  
Nxitja e punësimit  
me fokus te veçantë gratë e të rinjtë

## TË DREJTAT E NJERIUT NË NIVEL LOKAL

Gratë  
Grupet me nevoja të veçanta  
Romët/egjiptianët  
Mbrojtja nga Diskriminimi

**Fokus grupet:** Me synimin e marrjes së mendimit qytetar në muajin korrik u organizuan 5 fokus grupe me përfaqësues të komunitetit dhe banorë të qytetit Fier dhe njësinë administrative Levan, Cakran dhe Libofsh. Në takime morën pjesë 75 pjesëmarrës (përfaqësues të Komisionit Këshillimor Qytetar Fier, OJQ, individë komunitarë që përfaqësonin grupe të marginalizuara, qytetarë aktivë, kryepaq fshattrash) të cilët me anë të pikëzimit vlerësuan performancën e bashkisë dhe identifikuan nevojat dhe prioritetet e qytetarëve. Në vlerësimin e komunitetit për qeverisjen procesi pati pjesëmarrje të balancuar gjinore 37 meshkuj dhe 43 femra. Gjatë realizimit të fokus grupeve me komunitetin, pjesëmarrësit u prezantuan me qëllimin dhe objektivat e projektit, informacione mbi zbatimin e Reformës Administrative-Territoriale, ndryshimi i kuadrit ligjor dhe mekanizmat që mbështesin pjesëmarrjen e qytetarëve në vendimmarrje.

**Intervista gjysmë të strukturuar:** Pas takimit me qytetarët u organizuan intervista gjysmë të strukturuar me përfaqësues të Bashkisë, ku u ofruesit e shërbimeve vetë-vlerësuan përmes sistemit të pikëzimit shërbimet që ata ofrojnë për komunitetin. Intervistat përfshinë Administratorin e Bashkisë, drejtorinë e shërbimeve, drejtorinë e projekteve dhe administratorët e njësisive Levan, Cakran dhe Libofsh. Shkalla e vlerësimit sipas pikëzimit që u përdor në Vlerësimin e Komunitetit për Qeverisjen si me qytetarët, ashtu edhe me bashkinë është si më poshtë:

| Kriteret  |    | Pikëzimi         |
|---|----|------------------|
| Nuk ofrohet shërbim ose cilësia është shumë e dobët | ☹️ | 1-Shumë keq      |
| Shërbimi ofrohet, por cilësia është e dobët         | 😞  | 2- Keq           |
| Shërbimi ofrohet dhe është relativisht i mirë       | 😐  | 3- Çka (mesatar) |
| Shërbimi ofrohet me cilësi të mirë                  | 😊  | 4- Mirë          |
| Shërbimi ofrohet me cilësi të lartë                 | 😄  | 5- Shumë mirë    |

**Analizimi i të dhënave:** Moment shumë i rëndësishëm i VKQ është hedhja dhe analizimi i të dhënave nga fokus grupet dhe intervistat me ofruesit e shërbimeve. Gjatë kësaj faze është bërë edhe konsolidimi në një skedë i pikëzimit dhe gjetjeve nga qytetarët dhe ofruesit e shërbimeve. Pjesë thelbësore e punës ishte edhe konsultimi me dokumente/strategji dhe informacione të tjera që jepnin një ide me të qartë të fushave dhe treguesve të analizuar.

**Prezantimi publik:** Faza e fundit e VKQ në Bashkinë Fier ishte prezantimi publik i procesit të vlerësimit. Ai u organizua në formën e një forumi publik me qytetarët e Fierit. Përveç Administratorit të Bashkisë z. Florian Muça dhe stafit të tij, në takim morën pjesë edhe përfaqësues të Komisionit Këshillimor Qytetar Fier, OJQ, individë komunitarë që përfaqësonin grupe të marginalizuara, qytetarë aktivë, administratorë e kryepleq fshatrash të cilët morën pjesë në fokus grupet e organizuara. Takimi përfshiu një prezantim të gjetjeve nga ky proces, dhe në fund u ofruan rekomandimet që dolën nga takimet me qytetarët. Z. Muçaj vlerësoi procesin si një mundësi e mirë për të marrë mendimin e qytetarëve dhe si një formë e mirë për të rritur bashkëpunimin dhe dialogun me ta në të ardhmen. Rekomandimet do të merren parasysh në hartimin e buxhetit të vitit pasardhës, si dhe do të bëhen pjesë e Planit Strategjik të Territorit që është në proces hartimi.



*Foto nga takimet e mbajtura me komunitetin në Bashkinë Fier (qytet dhe njësitë administrative)*

# 6. PËRMBLEDHJE E REZULTATEVE

Siç u shpjegua më sipër në raport, në procesin e Vlerësimit të Komunitetit për Qeverisjen u përfshinë qytetarët e njësisë administrative qendër Fier dhe njësive administrative Levan, Cakran dhe Libofsh. Paralelisht me ta u intervistuan edhe punonjësit e bashkisë/ofruesit e shërbimeve. Çështjet për të cilat u bë monitorimi dhe vlerësimi ishin të ngjashme me ato që u diskutuan nëpër fokus grupet me komunitetin, në mënyrë që të merrej informacion për çështje të njëjta si nga komuniteti, në rolin e përfituesit të shërbimeve, ashtu edhe nga pushteti vendor në rolin e ofruesit të shërbimeve publike. Më poshtë keni rezultatet e dala dhe analizuara nga ky vlerësim.

- a) **Cilësia dhe efiçenca e shërbimeve publike** - rrugë/ trotuare, ndriçim, pastrim, gjelbërim, furnizim me ujë të pijshëm dhe kanalizime, kanalet kulluese e vaditëse, pyjet e kullotat

| CILËSIA DHE EFIÇENCA E SHËRBIMEVE PUBLIKE |                       |          |
|---|-----------------------|----------|
|   | TË INTERVISTUARIT     | PIKËZIMI |
| QYTET                                     | Qytetarët             | 2.7      |
|   | Ofruesit e shërbimeve | 3.8      |
| NJËSI ADMINISTRATIVE                      | Qytetarët             | 1.7      |
|   | Ofruesit e shërbimeve | 2.9      |

- b) **Demokracia vendore – mirëqeverisja** – informimi dhe komunikimi, transparenca në vendimmarrje, pjesëmarrja në vendimmarrje

| DEMOKRACIA VENDORE – MIRËQEVERISJA |                       |          |
|------------------------------------|-----------------------|----------|
|                                    | TË INTERVISTUARIT     | PIKËZIMI |
| QYTET                              | Qytetarët             | 3.2      |
|                                    | Ofruesit e shërbimeve | 4.2      |
| NJËSI ADMINISTRATIVE               | Qytetarët             | 2.3      |
|                                    | Ofruesit e shërbimeve | 3.4      |

- c) **Zhvillimi ekonomik vendor** - planifikimi strategjik, nxitja e biznesit, nxitja e punësimit, mbledhja e të ardhurave dhe planifikimi i buxhetit

| <b>ZHVILLIMI EKONOMIK VENDOR</b> |                          |                 |
|----------------------------------|--------------------------|-----------------|
|                                  | <b>TË INTERVISTUARIT</b> | <b>PIKËZIMI</b> |
| <b>QYTET</b>                     | Qytetarët                | <b>2.6</b>      |
|                                  | Ofruesit e shërbimeve    | <b>3.8</b>      |
| <b>NJËSI ADMINISTRATIVE</b>      | Qytetarët                | <b>2.1</b>      |
|                                  | Ofruesit e shërbimeve    | <b>3.2</b>      |

- d) **Të drejtat e njeriut në nivel lokal** - gratë, grupe me nevoja të veçanta, romët dhe egjiptianët, mbrojtja nga diskriminimi

| <b>TË DREJTAT E NJERIUT NË NIVEL LOKAL</b> |                          |                 |
|--|--------------------------|-----------------|
|  | <b>TË INTERVISTUARIT</b> | <b>PIKËZIMI</b> |
| <b>QYTET</b>                               | Qytetarët                | <b>3.5</b>      |
|  | Ofruesit e shërbimeve    | <b>4.7</b>      |
| <b>NJËSI ADMINISTRATIVE</b>                | Qytetarët                | <b>2.2</b>      |
|  | Ofruesit e shërbimeve    | <b>3.6</b>      |

Përveç sistemit të pikëzimit pjesëmarrësit në vlerësim patën mundësinë të jepnin edhe komente e sugjerime/rekomandime. Më poshtë po rendisim disa prej gjetjeve dhe rekomandimeve kryesore, që qytetarët dhe ofruesit e shërbimeve kanë bërë në Bashkinë Fier.

# 7. GJETJET KRYESORE

## 7.1 GJETJET NË QYTET

- Ka perceptim të mirë për punën e bashkisë në lidhje me infrastrukturën dhe shërbimet (sidomos për investimet e shumta në rrugët e qytetit dhe shtimin e gjelbërimit).
- Pas ndërhyrjeve/përmirësimeve në infrastrukturë, nevojë del mirëmbajtja e rrugëve, ndriçimit, shtimin e trotuareve dhe sinjalistikës.
- Infrastrukturë e dobët dhe shërbime të munguara në zonat informale.
- Kërkohe të përmirësohet furnizimi me ujë dhe cilësia e tij që vjen si pasojë e ndotjes.
- Kërkohe të përmirësohet shërbimi i pastrimit dhe mbledhjes së mbeturinave përmes shtimit të koshave
- Faqja e uebit dhe këndi i njoftimeve për qytetarët duhet të përditësohet me informacion rreth punës së bashkisë dhe në kuadër të ndërgjegjësimit dhe informimit për qytetarët për marrjen e mendimeve dhe ankesave.
- Në lidhje me shërbimet sociale, ka përpjekje dhe bashkëpunim pozitiv të bashkisë me organizatat dhe grupet në nevojë.
- Ka përpjekje dhe punë të mirë nga ana e bashkisë për të nxitur dhe mbështetur punësimin, por ka nevojë për më shumë stimuj për biznesin lokal.
- Duhet të realizohen plane veprimi për shtresat në nevojë si komuniteti rom, të rinjtë dhe gratë

## 7.2 GJETJET NË NJËSITË ADMINISTRATIVE:

- Në përgjithësi shprehen të pakënaqur në lidhje me infrastrukturën (rrugët dytësore dhe ato që çojnë në fshatra, mungesës së ujit të pijshëm, mungesës së mbledhjes së mbeturinave dhe sistemit të kanalizimeve).



- Ka probleme madhore në lidhje me transportin publik, Bashkia duhet të parashikojë ofrimin e këtij shërbimi për të lidhur fshatrat me njëri-tjetrin dhe Fierin.
- Ka probleme me shërbime të cilat janë mbuluar në të shkuarën nga komuna dhe sot janë të pazgjdhura nga bashkia (transporti, drutë e zjarrit, kullotat).
- Banorët shprehen se mungon prezenca dhe takimet me bashkinë që nga koha e zgjedhjeve.
- Ka mungesë të shitjes së prodhimeve bujqësore, banorët shprehen se Bashkia duhet të krijojë një treg publik.
- Paguajnë taksa për shërbime të cilat nuk i marrin, të tilla si gjelbërimi.
- Ka probleme me kanalet kulluese/vaditëse, menaxhimin e kullotave për bagëtinë.
- Mungon informimi për qytetarët.
- Ka eksperiencë pozitive me kryepleqtë e fshatit (takime të rregullta me bashkinë për vënien në dijeni dhe zgjidhjen e problematikës).
- Ka probleme madhore në lidhje me mungesën e shërbimeve për grupe të përjashtuara si romët, gratë, personat me PAK, etj.
- Bashkia duhet të rishikojë mundësinë e shpërndarjes së shërbimeve sociale dhe në njësitë administrative.

# 8. KONKLUSIONE DHE REKOMANDIME

## 8.1 KONKLUSIONE DHE REKOMANDIME PËR QYTETIN

### 8.1.1 SHËRBIMET PUBLIKE – CILËSIA DHE EFIÇENCA

#### **Infrastruktura rrugore**

Aktualisht qytetarët vlerësojnë investimet në infrastrukturë që Bashkia e Fierit ka ndërmarrë. Gjithsesi, ata kërkojnë ndërhyrje emergjente në disa prej rrugëve të brendshme të qytetit, kryesisht në zonat informale, por dhe në rrugët ndërlidhëse midis qytetit të Fierit dhe fshatrave me njëri-tjetrit, kjo lidhur me faktin që rrugët rurale janë mbizotërojnë ndaj atyre urbane, për shkak të RAT.

- Punimet duhet të jenë më cilësore dhe ndërhyrjet duhet të bëhen të planifikuara, pa penguar qarkullimin e qytetarëve.
- Trotualet e reja rekomandohet të planifikohen me gjerësi të mjaftueshme dhe me rampa.
- Në lidhje me sinjalistikën rrugore, qytetarët rekomandojnë vijëzimin e rrugëve të lagjeve, mirëmbajtjen periodike të sinjalistikës ekzistuese dhe pajisjen me semaforë të kryqëzimeve që nuk kanë rrethrotullim.

#### **Shërbimi i ndriçimit**

Qytetarët rekomandojnë të punohet më shumë për mirëmbajtjen e këtij shërbimi jo vetëm, në sheshet dhe rrugët kryesore, por të bëhet i mundur ndriçimi i të gjitha lagjeve të brendshme të qytetit.

#### **Shërbimi i pastrimit**

Përmirësimi i menaxhimit të mbetjeve urbane, përmes mbylljes së pikës së vendepozitimit aktual, shtrirjes së shërbimit të mbledhjes dhe depozitimit të mbeturinave dhe në njesitë administrative rurale të Bashkisë Fier dhe funksionimit të impiantit të djegies së mbeturinave.

- Qytetarët rekomandojnë përmirësim të shërbimit të pastrimit të qytetit, nëpërmjet rritjes së sipërfaqes së zonave që trajtohen me këtë shërbim si dhe shtim të koshave për mbledhjen e mbeturinave, kryesisht në lagjet e brendshme të qytetit.
- Rekomandohet mbyllja dhe rehabilitimi i pikës së depozitimit të mbetjeve dhe ndërtimi i impiantit të përpunimit dhe djegies së tyre.

#### **Shërbimi i gjelbërimit**

Qytetarët rekomandojnë shtimin e sipërfaqeve të gjelbërta në qytet. Duhet të bëhet e mundur që çdo lagje të ketë një ambient të gjelbërt në një distancë të arsyeshme.

- Ndërhyrjet në gjelbërim duhet të jenë më cilësore në mënyrë që të jenë rezistente.

### **Furnizimi me ujë dhe kanalizimet**

Bashkia Fier duhet të ndërhyjë përmes një plani afatgjatë menaxhimi për sistemin e furnizimit me ujë të pijshëm dhe kanalizimet e ujërave të zeza. Ata raportuan se ka probleme me sistemin e furnizimit me ujë të pijshëm dhe rekomanduan përmirësimin e furnizimit me ujë të pijshëm në disa lagje.

- Rekomandohet që bashkia të punojë për përmirësimin e cilësisë së ujit të pijshëm. Uji duhet të trajtohet në mënyrë që të jetë i përdorshëm pasi në pjesën më të madhe të qytetit mban erë, është me ngjyrë dhe përdoret vetëm për larje. Oraret e furnizimit me ujë duhet të kenë një rishpërndarje më të drejtë.
- Bashkia duhet të punojë për heqjen e faturimit afrofe dhe vendosjen e matësve të ujit.
- Ndërsa për sistemin e kanalizimeve kërkohet ndërhyrje urgjente sidomos në zonat informale, ku sistemi i tubacioneve është tërësisht jashtë funksionit dhe nuk ka shërbim të mbledhjes së ujërave të zeza.
- Në bashkinë e Fierit ujërat e zeza nuk trajtohen para derdhjes së tyre në rrjedhat lumore të Vjosës, Gjanicës dhe Semanit dhe mbetet një sfidë për Bashkinë, mbledhja dhe përpunimi i ujërave të zeza.

### **8.1.2 DEMOKRACIA VENDORE DHE MIRËQEVERISJA**

#### **Informimi dhe komunikimi:**

- Qytetarët duhen të orientohen nëpërmjet tabelave ku mund të marrin informacionin që ju duhet.
- Staf i përgjegjës duhet të jetë më korrekt, etik dhe profesional.

#### **Transparenca në vendimmarrje:**

- Rekomandohet që faqja e internetit të jetë e përditësuar. Ajo duhet të pasurohet me informacionin që qytetarët kanë nevojë pasi mediat sociale (që bashkia përdor më tepër aktualisht) nuk e ofrojnë informacionin të kategorizuar dhe lehtësisht të kërkueshëm për qytetarët.
- Këndi për shpalljen e njoftimeve duhet të jetë i përditësuar me informacion.
- Qytetarët duhet të gjejnë lehtësisht programin e transparencës, regjistrin e transparencës, formularin e kërkesës për informacion dhe ku mund të drejtohet kërkesa.

#### **Pjesëmarrja në vendimmarrje:**

- Bashkia duhet të zbatojë ligjin për konsultimin publik.
- Të gjithë qytetarët duhet të lajmërohen kur realizohen takime/konsultime publike.
- Duhet të theksohet vazhdimisht që mbledhjet e Këshillit Bashkiak janë të hapura për qytetarët. Bashkia duhet të promovojë pjesëmarrjen e qytetarëve në vendimmarrje.

### **8.1.3 ZHVILLIMI EKONOMIK VENDOR**

#### **Planifikimi strategjik:**

- Nga dokumentet e konsultuara bashkia është në procesin përfundimtar të aprovimit të strategjisë së zhvillimit, që përbën dhe dokumentin kryesor mbi të cilin bazohet planifikimi strategjik për vitet e ardhshme. Por qytetarët (kryesisht në qytet) edhe pse disa prej tyre referojnë që kanë marrë pjesë në procesin e konsultimit të këtij dokumenti, ende nuk njohin pjesët përbërëse të tij. Prandaj rekomandohet një fushatë e mirëfilltë

informimi pas aprovimit të saj për qytetarët të cilët do të përfitojnë nga planifikimi strategjik.

#### **Nxitja e bizneseve:**

- Rekomandohet që bashkia të punojë për nxitjen e biznesit privat dhe të inkurajojë bizneset për krijimin e vendeve të punës.
- Rekomandohet që bashkia të krijojë lehtësi fiskale për të ndihmuar bizneset e vogla
- Bashkia duhet të mbështesë me grante të vogla gratë dhe të rinjtë për krijimin e bizneseve të reja ose bizneseve sociale.

#### **Nxitja e punësimit:**

- Bashkia duhet të ketë bashkëpunime më rezultative për nxitjen e punësimit të të rinjve dhe PAK.
- Bashkia duhet të ketë gjithashtu programe për nxitjen e punësimit të grave dhe grupeve në nevojë.

#### **Mbledhja e të ardhurave dhe planifikimi i buxhetit:**

- Rekomandohet që qytetarët të informohen mbi detyrimin e tarifave dhe taksave vendore dhe të vihen në dijeni kur ka ndryshime.
- Rekomandohet gjithashtu që qytetarët të informohen më konkretisht ku shkojnë taksat e tyre.

### **8.1.4 RESPEKTIMI DHE ZHVILLIMI I TË DREJTAVE TË NJERIUT NË NIVEL LOKAL**

#### **Gratë:**

- Rekomandohet që bashkia, krahas punës shumë të mirë që po bën përfshirjet e grave në vendimmarrje kryesisht në pozicione drejtuese, të punojë më tepër mbi dhunën ndaj gruas, punësimin e grave dhe nxitjen e bizneseve të krijuara nga gratë.
- Rekomandohet të ngrihet një qendër shërbimesh për gratë.

#### **Grupe me nevoja të veçanta:**

- Vlerësohet maksimalisht puna që Bashkia e Fierit bën për grupet me nevoja të veçanta kryesisht në Qendrën Ditore Horizont, por nevojat e komunitetit janë ende të shumta.
- Rekomandohet që bashkia të punojë më tepër për mbrojtjen dhe garantimin e të drejtave si dhe përfshirjen sociale për grupet me nevoja të veçanta.

#### **Romët dhe Egjiptianët:**

- Rekomandohet përmirësimi i infrastrukturës për të bërë të mundur mbrojtjen nga përmytjet të zonave të banuara nga romët.
- Hartimi i një strategjie ose plani lokal për integrimin e komunitetit rom dhe egjiptian
- Krijimi i mundësive për punësim për romët dhe egjiptianët
- Krijimi i mundësive për strehim social për romët dhe egjiptianët
- Hartëzimi i nevojave të komunitetit rom
- Krijimi i një rrjeti të institucionalizuar për mbrojtjen e të drejtave të këtyre komuniteteve.

### **Mbrojtja nga diskriminimi:**

- Rekomandohet që bashkia të zbatojë ligjin për mbrojtjen nga diskriminimi dhe të udhëhiqet nga parimet e këtij ligji në të gjitha shërbimet që ofron për qytetarët
- Ndërkohë mund të realizohen fushata ndërgjegjësimi me synim ndërveprimin social-kulturor dhe thyerjen e barrierave diskriminuese.

## **8.2 KONKLUZIONE DHE REKOMANDIME PËR NJËSITË ADMINISTRATIVE**

### **8.2.1 SHËRBIMET PUBLIKE – CILËSIA DHE EFIÇENCA**

#### **Rrugët:**

Të gjitha rrugët kanë nevojë imediate për ndërhyrje dhe rikonstrukcione si rrugët e brendshme dhe ato ndërlidhëse

#### **Transporti publik:**

Rekomandohet të vendoset shërbimi i transportit publik të paktën në Nj. A. Levan që ka një shtrirje gjeografike të konsiderueshme

#### **Pastrimi:**

Rekomandohet në mënyrë urgjente vendosja e koshave dhe ofrimi i shërbimit të pastrimit në Nj. A.-të Cakran dhe Levan, pasi situata paraqitet problematike. Në Nj. A. Libofshë shërbimi duhet të shtrihet në të gjithë njësinë dhe cilësia e tij të përmirësohet

#### **Furnizimi me ujë të pijshëm dhe kanalizimet:**

Banorët e shikojnë si nevojë urgjente rregullimin e kanalizimeve dhe furnizimin e zonës me ujë të pijshëm.

#### **Pyjet dhe kullotat:**

Banorët rekomandojnë investime për mirëmbajtje në këtë sektor

#### **Kanalet kulluese/ vaditëse:**

Kërkohen investime për pastrimin e kanaleve vaditëse për mbarëvajtjen e bujqësisë

### **8.2.2 DEMOKRACIA VENDORE DHE MIRËQEVERISJA**

#### **Transparenca në vendimmarrje**

Duhet të përmirësohet ofrimi i informacionit dhe të vendoset një zyrë ose person përgjegjës për të informuar qytetarët

#### **Informimi dhe komunikimi**

Në çdo njësi administrative duhet të ketë kënde me hapësirë të mjaftueshme për shpalljen e njoftimeve dhe të vendoset informacion i përditësuar.

## **Pjesëmarrja në vendimmarrje**

Sugjerohet zbatimi i Ligjit për Njoftimin dhe Konsultimin Publik

### **8.2.3 ZHVILLIMI EKONOMIK VENDOR**

#### **Nxitja e biznesit/punësimit**

- Kërkohet ndërtimi i magazinave për grumbullimin e produkteve bujqësore dhe ndërtimi i një tregu për shitjen e këtyre produkteve.
- Rekomandohet që bashkia të krijojë programe/ stimuj për mbështetjen e fermerit.
- Rekomandohet asistence nga bashkia kundrejt fermerëve për krijimin e kooperativave bujqësore.

#### **Mbledhja e të ardhurave dhe planifikimi i buxhetit:**

- Rekomandohet që qytetarët të informohen mbi detyrimin e tarifave dhe taksave vendore dhe të vihen në dijeni kur ka ndryshime.
- Rekomandohet gjithashtu që qytetarët të informohen më konkretisht ku shkojnë taksat e tyre.

### **8.2.4 RESPEKTIMI DHE ZHVILLIMI I TË DREJTAVE TË NJERIUT NË NIVEL LOKAL**

#### **Gratë:**

Rekomandohet që bashkia, krahas punës shumë të mirë që po bën përfshirjet e grave në vendimmarrje politike, të punojë më tepër mbi dhunën ndaj gruas, punësimin e grave dhe nxitjen e bizneseve të krijuara nga gratë.

#### **Grupe me nevoja të veçanta:**

Rekomandohet që bashkia të punojë më tepër për mbrojtjen dhe garantimin e të drejtave si dhe përfshirjen sociale për grupet me nevoja të veçanta.

#### **Romët dhe Egjiptianët:**

- Në njësinë administrative Levan ka nevojë të ofrohen shërbime për përmbushjen e nevojave për këtë komunitet.
- Të bëhen fushata ndërgjegjësimi përmes realizimit të aktiviteteve social-kulturale
- Të realizohet një plan lokal për ofrimin e shërbimeve të integruara për këtë komunitet
- Të përmirësohet sistemi i kullimit dhe vaditjes, si dhe të disiplinohet shtrati i lumit Vjosa me qëllim të mos përmyten banesat e këtij komuniteti.

#### **Mbrojtja nga diskriminimi:**

- Rekomandohet që njësitë administrative të zbatojnë ligjin për mbrojtjen nga diskriminimi dhe të udhëhiqen nga parimet e këtij ligji në të gjitha shërbimet që ofrojnë për qytetarët
- Ndërkohë mund të realizohen fushata ndërgjegjësimi me synim ndërveprimin social-kulturor dhe thyerjen e barrierave diskriminuese.

# RRETH QENDRËS ALEANCA GJINORE PËR ZHVILLIM

E themeluar në vitin 1994, Qendra Aleanca Gjinore për Zhvillim (GADC) është një organizatë jo fitimprurëse, jo partiake, me mbi 20 vjet eksperiencë në punë kërkimore, edukim publik, asistencë për zhvillim kapacitetesh, monitorim dhe avokim. GADC promovon zhvillimin demokratik dhe mirëqeverisjen me një fokus të veçantë në çështjet e barazisë gjinore dhe përfshirjes sociale. GADC është një organizatë lider në Shqipëri dhe në rajon, e mirënjohur për rolin e saj në prezantimin e çështjeve të rëndësishme në lidhje me të drejtat e grave, siç është dhuna me bazë gjinore dhe trafikimi i personave.

GADC është e njohur për zhvillimin e metodologjive të ndryshme për fuqizimin përmes zhvillimit ekonomik të grupeve vulnerabël, avokimit për çështje themelore ligjore e politika të rëndësishme siç janë Ligji “Për dhunën në marrëdhëniet familjare” apo “Ligji kundër diskriminimit”, Barazia Gjinore apo përfaqësimi i grave në politikë e vendim marrje. Prezantimi i çështjeve të buxhetimit gjinor në nivel lokal dhe qendror si dhe përfshirja e qytetarëve në vendimmarrje janë dy çështje për cilat GADC ka zhvilluar e zbatuar metodologji të veçanta të cilat sollën ndryshime të rëndësishme që adresojnë pabarazitë dhe përfshirjen sociale të grupeve vulnerabël në Shqipëri.

Që nga fillimi GADC ka zbatuar shumë projekte, të cilat kanë ndikuar në jetët e qindra pjesëmarrësve në aktivitetet e zhvilluara në të gjithë Shqipërinë. GADC ka një historik të gjatë bashkëpunimi të suksesshëm me aktorë të ndryshëm, përfshirë një numër të madh organizatash shqiptare, institucionesh publike në nivel qendror e lokal, rajonal dhe ndërkombëtar, sektorit privat, medias, akademisë etj. Disa nga aktorët kyç partnerë të GADC-së janë UN Women, UNDP, EU, US Embassy, USAID, OSCE, Dhoma të Tregëtisë, Ministria e Mirëqenies Sociale dhe Rinisë, bashki të ndryshme etj.

GADC fuqizohet në punën e saj nga rrjeti i gjerë i bashkëpunëtorëve, ekspertëve dhe trajnerëve kombëtarë e ndërkombëtarë me formim të pasur akademik. GADC punon të shpërndajë sa më shumë informacion dhe të kthehet në një platformë për ndarje eksperiencash e njohurie me të gjithë e në të gjithë vendin.



# VLERËSIMI I KOMUNITETIT PËR QEVERISJEN

RAPORT    BASHKIA    FIER